

D E U T E R O N O M I.

9 Thoir an aire nach bi smuain a'd' chridhe aingidh, ag ràdh, Tha 'n t-seachdamh bliadhna, bliadhna an fhuasglaidh, am fagus; agus gu'm bi do fhùil olc 'an aghaidh do bhràthar bhochd, agus nach d'thoir thu bheag dha, agus gu'n glaodh e ris an Tighearn a't' aghaidh, agus gu'm bi e 'na pheacadh dhuit.

10 Bheir thu dha gu deimhin, agus cha bhi doilgheas air do chridhe 'nuair a bheir thu dha: a chionn air son an ni fo gu'm beannaich an Tighearn do Dhia thu a't' oibribh uile agus anns gach ni ris an cuir thu do lamh.

11 Oir cha bhi 'n tìr a chaoidh gun bhochd^a: uime sin tha mi 'g àithneadh dhuit, ag ràdh, Fosglaidh tu do lamh gu farsaing do d' bhràthair, do d' bhochd, agus do d' uireasbhuidheach a'd' dhùthaich.

12 Ma reicear riut do bhràthair Eabhruidheach, no Ban-eabhruidheach, agus gu'n dean e feirbhis duit fè bliadhnan; 'an sin anns an t-seachdamh bliadhna leigidh tu leis dol faor uait.

13 Agus an uair a chuireas tu e mach faor uait, cha chuir thu air falbh e falamh:

14 Bheir thu dha gu pailt as do threud, agus as t'urbar, agus a t'fhion-amar: *as na nithibh sin* leis an do bheannaich an Tighearna do Dhia thu, bheir thu dha.

15 Agus cuimhnichidh tu gu'n robh thu fèin a'd' thràil ann an tìr na h-Eiphit; agus fhaor an Tighearna do Dhia thu: uime sin *tha* mi ag àithneadh fo dhuit an diugh.

16 Ach ma their e riut, Cha'n fhalbh mi uait (a chionn gur toigh leis thu agus do thigh, do bhrìgh gu bheil e gu math a-gad)

17 'An sin gabhaidh tu minidh, agus cuiridh tu tre chluais e anns an dorus, agus bithidh e 'na sheirbhiseach dhuit gu bràth: agus mar an ceudna re d' bhanoglaich ni thu mar sin.

18 Na measar e cruaidh leat, an uair a chuireas tu uait faor e; oir bha e dà uair co-math dhuit^e re feirbhiseach tuaraidail, le feirbhis a dheanamh dhuit fè bliadhnan: agus beannaichidh an Tighearna do Dhia thu anns gach ni a ni thu.

19 Gach ceud-ghin fionn a bheirear am measg do chruidh^b, agus am measg do threud, naomhaichidh tu do'n Tighearna do Dhia: cha dean thu obair fàra bith le ceud-ghin do bhòtha^c, ni mò a lomas tu ceud-ghin do chaorach.

20 Am fianuis an Tighearna do Dhé ithidh tu e o bhliadhna gu bliadhna, 'san ionad a thaghas an Tighearna, thu fèin agus do theaghlach.

21 Agus ma bhios gaoid sam bith ann, crùbaiche, no doille, no droch ghaoid sam bith, cha'n iobair thu e do'n Tighearna do Dhia.

22 An taobh a stigh do d' gheataibh ithidh tu e; *ithidh* an glan agus an neo-ghlan comh-ionann *deth*, mar *do'n* ruadh-bhoc, agus mar *do'n* fhiadh.

23 A mhàin fhuil cha'n ith thu: air an talamh dòirtidh tu i mar uisge.

C A I B.

^a cha teirig, cha'n fhàilligich am bochd a chaoidh as an tìr.
^c eibhàirt.

^b a thig a'p